

清光緒朝中日交涉史料

卷八五之卷八六
光緒卅一年東事收電檔

卷之二

明倫彙編

清光緒朝中日交涉史料卷八五 東事收電檔

(七一八八)收南洋大臣致外務部電 四月十六日

滬道電扣留洋商煤船舌敝唇焦日領必欲照香港辦法凡關軍需各物概禁出海各領只准洋商具保領事簽字議久不決稅司言非奉政府訓條無從遵辦想鈞署必已督飭總稅司核議鄙見四條請酌一軍需必用之貨而非民生所常用者只准進長江不准出海其爲民生所常用者如煤糧之類須由領事簽字作保經中國官查明屬實認爲尋常商貨方准出海二貨到彼口交卸必由彼口稅關電告滬關併將原發放行單繳銷方准銷案並由滬關於此貨未行之先電告指往之口稅關查問如情形不符仍扣留不准放行三如情節大可疑查無實據而原控仍不輸服卽由關派杆子手押送運赴所指之口再由彼口關取保不准私賣押送之費由原控人繳納四如查明接濟戰國應議嚴罰或如德國青島辦法聽戰國拿辦或如威海英示定監禁罰鍰之條參酌定議以上四條惟第一第二兩條最要第三條聊備一格不能常派人押第四條係違犯以後事無確據仍不能辦乞速核奪滬道扣貨日多查無實據德領屬認虧損轉生枝節馥望辰

(七一八九)收路透電

四月十六日
西五月十九日

波羅的海第四艦隊現在奉命預備於西六月十四日出帆趙恩奎爾君已乘奎辰號船仍回西貢法總統昨日接見有栖川宮親王及其妃英皇現蒙派爲西班牙海軍提督

(七一九〇)收滬道致外務部電 四月十六日

奉元電遵卽與日領小田切商辦據復已電請外務大臣駐京公使訓條未奉電諭以前所擬各節萬難照允云現德領藉口商船耽延妨礙貿易商求速務日使並照知各使飭遵至叩樹勛合

(七一九一)收署盛京將軍署奉天府尹致軍機處外務部電 四月十七日

頃據鐵嶺尉縣會稟稱據駐鐵軍政官木村宣明面稱奉總司令部命不令徵收通江子至營口沿遼河各稅等情當飭交涉局員連日與福島小山磋商不惟堅執前說且恐將來得寸進尺觀其所云戰線之內設員稽徵恐漏軍事一也來往軍物因稅加貴不利軍用二也大兵之後商民交困意在體恤三也並請以奉省所用之款先由部撥款接濟統俟和定補

徵歸還等語此事關繫全省命脈且礙大局除由杰等婉言力爭有無就緒再行詳達並分
電外先將磋商大致情形電聞廷杰增韞元

(七一九二)收路透電

四月十八日
西五月二十一號

英波西伯爵在下議院宣言中國珠江剽劫猖熾一事駐北京使臣薩道義現正與中國政
府文牘往還路透俄京通信員報告言日昨俄皇召見水師提督比立來夫該水提將往海
參崴統制遠東海軍各國商業代理人凡在海參崴者現已奉命他徙法暹劃界一事據法
人聲言謂所索界限暹人已允照辦是以此次界限應由賴格木里木移至帕克那木温云

(七一九三)收粵督撫致外務部電

四月二十日

頃香港探電據新加坡電稱有商船駛抵新加坡道經巴拉舍路島時望見波艦隊向北方
駛往等語查巴拉舍路島距海南島東南約二百海里迭據瓊電榆林港陵水灣一帶洋面
均無波艦蹤跡除仍飭隨時確探外謹聞煇駿皓

(七一九四)收北洋大臣致軍機處外務部電 四月二十日

據奉探稱俄兵三千餘名在距新民七十里公祖嶺以北之袁家窩堡與日軍接仗燒劫日糧車百餘輛又分兵三百餘名帶砲一尊西竄新立屯荒山子云謹轉達世凱肅效

(七一九五)收路透電

四月二十日
西五月二十二號

法京接得西貢來電云俄水師提督羅的士文斯基氏之副巡船已于禮拜五夜間駛回安南海面停泊于波特達約特該船顯係前往找尋隨同艦隊而行之煤船者因傳言該艦隊曾往海南停泊云去年七月二十六號捕獲架爾加號船一案現經俄總捕物法院判定擬將棉花木料充公並究問船上所載機器之用處其餘之貨物並船盡行釋放該院皆以捕獲該船合例爲言查此次定案以棉花爲禁物甚係有趣之事俄水師提督卑利烈夫氏擬于本月二十五號由海參崴動身克蘭尼庫路報云有華人一千名于本月十四號在約漢尼士伯克地方攻擊該處土人殺死卡非爾人二名印度人一名俄國由波蘭調兵前往遠東異常忙速每日起程之兵皆係由各營中選出者其所缺之額以預備兵充補

(七一九六) 收署粵督廣東巡撫致外務部電 四月二十一日

據香港探電稱波艦於十六日由安南啓輪向北方行駛現有運船四隻由巴蘇回赴西貢聞波艦已駛過巴蘇島海面又有日本偵探船在南澳島附近之海面游弋有船主名羅波者曾充波艦之帶水人現已銷差來港等語查巴蘇距台灣東南約一百二十海里距海南島約六百海里所報確否容再續探煇駿哥巴蘇譯音

(七一九七) 收北洋大臣致軍機處外務部電 四月二十一日

據新民府探稱新民小塔子地方於十九辰刻忽來俄兵千餘聞另有往養息牧門者尚未查悉其數其小塔子西北亦麴聚俄兵甚多有奔府街意今府街已來日兵紮護均住東北民宅云謹轉達世凱肅箇

(七一九八) 收北洋大臣致軍機處外務部電 四月二十二日

據新民探稱北路俄兵已爲日軍擊退遺棄戰場俄屍約一千五百餘具云謹轉達世凱禡

(七一九九)收南洋大臣致外務部電 四月二十二日

滬道電赫擬煤斤出口按米穀辦法由商人在領署繕結註限四十日滬關須接到前往之口收據逾期按煤價五倍議罰職道奉外部洽電遵經分致德領袖尙未復稅司須俟總稅司札遵辦日領雖無異言惟來函指明德船布倫原名台灣瑞璫船麻知而打奉本國外部訓條不准出口云此次新定具結註限議罰各節本因扣留該兩輪而起瑞領雖無甚辯論德領須此間擔其責任若辦法既定仍復扣留如無切實濟俄證據索償虧耗實意中事非仰乞電部商日使飭遵辦理殊棘手候示遵云云馥意如既定章應遵辦似不能再扣留請鈞部轉商日使持平辦理以保中立馥馬

(七二〇〇)收署盛京將軍奉天府尹致外務部電 四月二十二日

頃據新民府陳護守衍庶稟稱前因北路不靖飭差往探頃據回報有俄兵三千餘在府北七十里公主屯北之袁家窩堡與日軍接仗昨辰劫燒日軍糧車百餘輛並聞俄兵三百餘帶礮一尊西竄新立屯荒山子等語除電北洋外務部外謹特此電聞廷杰增韞皓

(七二〇一) 收路透電

四月二十二日
西五月二十四號

白里列福提督現派統帶太平洋艦授以自主之權參將諾蘭在下議院宣言加路加士一案業經俄國政府判斷務宜留神注意至以棉花爲違禁物應請政府駁之

(七二〇二) 收北洋大臣致軍機處外務部電

四月二十三日

上海日人電稱據探報昨下午二點半鐘俄義勇艦隊兵船五隻一係三煙筒一係二煙筒餘皆一煙筒暨運船三隻懸俄旗抵吳淞洋面其三煙筒一隻駛向北去又晚八點鐘兵船三運船三均進吳淞其二煙筒之兵船明掛軍艦旗章云已飭海軍確查謹先達世凱肅漾

(七二〇三) 收上海道致外務部電

四月二十三日

昨聞俄義勇艦隊兵船三隻率運船三隻昨晚八點鐘到淞並據日領照會職道卽照會俄領限廿四點鐘出口一面囑稅司查禁違章裝載煤斤糧食軍火並商葉提督薩總兵照會俄船依限出口另派魚雷艇梭巡以防偷漏頃又由道照催俄領如逾限不出口應照奧斯哥各船例立卸軍裝機器各件艦員人等具結聲明戰事未畢非奉華官允准不得離滬云

否則恐日領干預乞訓示特稟助漾

(七二〇四)收北洋大臣致外務部電

四月二十三日

漾電祇悉駐新民日兵暨軍務署尙未撤退曾經照詰日使迄未聽從案雖未結仍在理論至該處鐵路爲中立產業始終由中立官員管理戰國毫不干涉尤與新民地方無涉倘有他國侵損該路應將所損向其索賠祈酌覆俄使世凱漾

(七二〇五)收路透電

四月二十三日
西五月二十五號

百里列福提督兼統海參崴及波羅的海艦隊東京電云海參崴附近之鐵路業經拆毀現在砲臺勢成孤立太晤士報云阿富汗之新約始尊亞米耳爲阿富汗國及其附庸之自主王稱曰亞米耳陛下該王將其父之質物重質於英巴姑總督那喀施茲王暨副將官一傍觀者一在巴姑地方爲炸砲轟斃尼里之總巡捕亦受重傷其擲炸砲者業經逃脫伯爵白芝答參將諾蘭云政府接到俄國來文言及判斷加路加士一案尙須妥議別法再行辦理總統盧別與亞里蘇加瓦王同用午餐魯非耳氏迭勒喀斯氏暨摩拖娜氏亦在座中殿軍

提督波伊業經派統東印度之艦隊瓦里多氏在噠喇賽馬場中被人爪傷

對電(七二〇六)收滬道致外務部電 四月二十四日

漾電敬悉俄船來淞事迭由漾梗電稟陳計邀鑒察昨復經葉統領派員上船驗明係運煤船據云管帶總帶赴滬與總領商辦要件如逾限扣留亦願遵辦等語是各船實非商船無可迴護旋又照會俄領展限今晨八點鐘出口逾限立即下旂聽候拆卸尚未接復頃又切實照催并約會面商餘續稟謹陳樹勳敬

(七二〇七)收路透電 四月二十四日 五月二十七號

水師提督畢利來夫昨日起程前往海參崴阿利蘇嘎瓦親王昨在巴黎與法日會中諸員宴會於舉杯讚頌法總統時言本爵深悉將來法日兩國邦交必益加親密也

對電(七二〇八)收滬道致外務部電 四月二十四日

漾電事以攸關緊要故據聞即立刻援處置滿洲各船例先後照會俄領據日領來文俄義

勇隊船經過金山埠美政府立將軍器起卸請爲仿辦惟刻接吳淞台官來電謂係無兵之運船六隻泊在口外三夾水與日領所言及傳聞有異一面切實考核該船情形或爲守接煤斤而來業已會商稅司防其違章裝運正電報間日領照會謂奉外務大臣電諭如俄船不依限出口卽起卸軍火云並陳勛梗

(七二〇九)收福州將軍致外務部電 四月二十四日

頃據日領接滬總領電昨有俄兵艦五三煙筒一二煙筒三一煙筒一又運船三於二點半到吳淞八點進口等語正擬電復探問接慰帥電同除電詢南洋知會浙江撫提飭令閩浙各口文武密探隨時電報外謹聞善叩漾

(七二一〇)收南洋大臣致外務部電 四月二十四日

漾電悉昨據日總領事電稱現聞俄兵船三隻帶水師運船三隻於今晚八點鐘駛進吳淞等語應請貴大臣立飭滬道必令該艦船由進口之時起於二十四點鐘之內出口並且禁止違章裝載違禁物件出口條規而全中立爲要該艦船倘過期不肯出口或裝違禁物件

應由本總領事電稟本國政府隨時自行料理所有責任應由貴國担承併此聲明云云旋據滬道電聞俄義勇艦隊兵輪三隻率運船三隻昨晚八點鐘到淞職道遵卽照會俄領限令廿四點鐘內出口逾限卽不准行運船同一辦法毋得歧盡一面屬稅司查禁違章裝載煤斤糧食軍火並商葉軍門薩軍門照會俄船遵限出口另派魚雷艇梭巡以防偷漏仍隨時相機辦理謹聞等語查俄船進口已過廿四點鐘業已飭滬道葉提督薩總兵轉達俄領事暨俄統帶俄船如不出口卽將軍械子藥船上機件等件起卸兵官水手列冊查驗具結戰事未畢不得雖滬以守中立餘容續陳馥敬

荷基(七二二二)收北洋大臣致軍機處外務部電 四月二十四日

日本電稱今日俄日海軍在對馬馬關之間開仗云謹達世凱敬

兩廣(七二二二)收北洋大臣致軍機處外務部電 四月二十四日

頃接葉提督漾電稱昨夜八點鐘俄運煤船六艘寄泊吳淞本日祖珪親赴吳淞派海籌沈管帶向該船詰問並照中立條規限二十四點出口據該各船管帶言此項運船有一總帶

管轄各船現赴領事署明日到船方能定計如因逾過二十四點期限不能出口各船願留口內等語竊思該船如未出口即須爲之保護究多不便查中立條規如有意外事故准再酌量展限現仍由滬道照會俄領事嚴催該船尅期開去如因總帶未回船不能即開亦准展限一面催其即開又據洋引港報俄戰艦三艘在花鳥島裝煤又有巡艦十四艘在該島附近一帶游弋意在會同該三戰艦往尋日軍開仗又有巡艦十四艘已向北直駛等語此情是否屬實不敢輕信而該引港言係親上俄艦目擊各情言之鑿鑿云謹達世凱肅敬

(七二一三) 收北洋大臣致軍機處外務部電 四月二十四日

頃接薩鎮冰電開有俄運船六艘昨晚七點半抵淞皆空載無國旂葉提督今午蒞淞派海籌沈管帶往查云總船主已入滬見領事凡事請商領事如欲扣留亦願遵現無裝物葉提督剛入滬聞長江口外有俄兵船十七號云謹聞世凱肅敬

(七二一四) 收北洋大臣致外務部電 四月二十四日

敬電祇悉日俄海軍已接仗兵船想已開去遵電飭葉提督等仍勒令該運船離滬并留意

俄船戰傷竄入滬口世凱敬

(七二二五)收滬道致外務部電 四月二十四日

俄義勇艦事准俄領照復以該六艦係尋常貿易掛商旗之船所享利益應與友邦一律得在中國各埠裝載食物煤斤且以日本商船爲比查師船商船總以有無兵丁器械爲斷業已請葉統領派員上船詳查惟既稱商船必須有切實運貨進出憑據否則即使查無兵丁器械究與商船不同仍應遵照條規一律辦理斷不能作爲商船任便停留裝運煤斤食物致資接濟而礙中立除駁復外謹聞樹助梗二

(七二二六)收路透電

四月二十五日
西五月二十八號

提督李鼎委恥報告云提督米斯臣廓用馬隊截攻日本交通線路已著成效電綫截斷之處甚長運載食品延長約七俄里許亦皆失迷法庫門以南有日軍一大隊紮守甚高地勢圍以深濠現被俄軍攻擊日軍攻滅者計有兩哨又是役被俘者共二百三十四人失去機器礮兩具泰晤士報俄京訪事人云俄國知會中國欲派兵入蒙古境內阻遏日軍各國聞

之未有不詫異者且皆以俄國此舉實爲攘取中國土地之先步故瓜分中國之議又起法國海部大臣聲稱添派潛水艇兩艘淺水魚雷艇四艘魚雷艇六艘將於西八月放洋向印度中國開駛

(七二一七)收北洋大臣致軍機處外務部電 四月二十五日

日本電稱昨下午日俄海軍酣戰頗久俄船約沉三四艘內有一鐵甲餘向北逃日軍仍追擊云謹奉聞世凱肅有

(七二一八)收北洋大臣致軍機處外務部電 四月二十五日

日本電稱今早擄俄鐵甲一巡艦一又沈其一巡艦俄軍散亂云謹奉聞世凱有

(七二一九)收東海關道致外務部電 四月二十五日

漾電謹悉德商捷成洋行報裝英煤千噸赴滬職關不允裝運昨由稅司電詢總稅司旋接覆電示知議罰辦法據告德商彼不肯具結現仍禁阻裝運昇稟敬

(七二二〇) 收上海道致外務部電 四月二十五日

德瑞兩煤船奉禡電遵磋商日領謂麻袋裝專用兵船英煤可作接濟憑證仍請扣留已函稅司查明辦理並分致德瑞兩領謹聞樹勳敬

(七二二一) 收上海道致外務部電 四月二十五日

俄艦六隻雖是義勇隊商船一經派入戰事萬不能與尋常商船一律相待今查明實係波艦運船自應限期出口否則下旅照滿洲船辦理屢次嚴切詳細照會今又與之面商俄領仍執定商船既不照限出口又不遵章下旅歸我保護尾大不掉難以理論且波艦南來將來戰事勝負不可預料此次若稍通融日後更難爲計惟有守定中立章程俄艦今已逾限非用力阻止日本固欲詰責洋面開仗後兩國戰船入口停留無故休息從此破壞中立後患更不可問職道等會商葉軍門意見相同敬乞訓示崇惠樹勳迴

(七二二二) 收滬道致外務部電 四月二十五日